

衢州文獻集成

〔經部〕

第8册

國家圖書館出版社
National Library of China Publishing House

衢州文獻集成

黃靈庚 諸葛慧艷

主編

〔經部〕

第 8 冊

國家圖書館出版社

圖書在版編目(CIP)數據

衢州文獻集成：全200冊／黃靈庚 諸葛慧艷主編．—北京：國家圖書館出版社，2015.9

ISBN 978-7-5013-5543-3

I. ①衢… II. ①黃… ②諸葛… III. ①地方文獻-彙編-衢州市 IV. ①K295.53

中國版本圖書館 CIP 數據核字(2015)第 025038 號

書 名 衢州文獻集成(全200冊)

著 者 黃靈庚 諸葛慧艷 主編

責任編輯 張愛芳 靳 諾

助理編輯 黃 靜

封面設計 敬人工作室 黃曉飛

出 版 國家圖書館出版社(100034 北京市西城區文津街7號)

(原書目文獻出版社 北京圖書館出版社)

發 行 010-66114536 66126153 66121313 66175620

66171706(傳真) 66126156(門市部)

E-mail btsfxb@nlc.gov.cn(郵購)

Website www.nlcpress.com→投稿中心

經 銷 新華書店

印 裝 河北三河弘翰印務有限公司

版 次 2015年9月第1版 2015年9月第1次印刷

開 本 787×1092(毫米) 1/16

印 張 8501.875

書 號 ISBN 978-7-5013-5543-3

定 價 126000.00 圓

(宋)夏僎撰

尚書詳解二十六卷
(卷二十二至二十六)

清乾隆武英殿刻本

第八册目錄

尚書詳解二十六卷(卷二十二至二十六)

(宋)夏僊撰

清乾隆武英殿刻本

一

禹貢指南四卷

(宋)毛晃撰

清乾隆武英殿刻本

三五九

尚書詳解卷二十二

宋

夏

僕

撰

立政

周公作立政

此書之作蓋周公當成王卽政之後慮其恃天下之
已治而忽于任人使小人乘間而至則君子不在朝
而政自此不立此所以盛陳任人之說而名篇以立
政者蓋深言任人乃所以立政也林少穎謂周公作
無逸作立政其意一也當成王卽政之初天下旣已

太平垂衣拱手不動聲色而享此治安之效周公之心懼夫成王驕怠之心易以萌也于是乎作無逸之書以戒之又懼夫姦佞之人乘間而易以進也于是乎又作立政之書以戒之無逸之書言修德之不可逸也立政之書言任用之不可非其人也常人之情治至如此往往忽之惟周公大聖人此則能念及乎此故序書者直以周公作無逸周公作立政言之不復重複其辭者蓋謂惟周公乃能有是言也

立政周公若曰拜手稽首告嗣天子王矣用咸戒于王

曰王左右常伯常任準人綴衣虎賁周公曰嗚呼休茲知恤鮮哉

此立政二字舊竹簡所標之題也周公若曰史官以周公之意言之也是時成王初卽位周公率羣臣將進戒于王于是贊之曰拜手稽首告嗣天子王矣蓋謂羣臣皆再拜稽首將有所告于嗣天子今已爲王矣不可以冲幼自恃也周公旣率羣臣而前贊于王謂羣臣皆再拜稽首將有所告于王羣臣于是因周公之贊遂皆進而告于王曰王之左右大而常伯常

任準人小而綴衣虎賁皆不可用非其人常伯常任
準人諸家說不同先儒以伯訓長謂常所長事乃三
公常任謂常所委任乃六卿準人平法之臣乃獄吏
王氏則以常伯爲庶官之長在位者也常任爲任事
之臣在職者也準人非伯非任吾所取法者然不如
蘇氏謂牧民之長曰常伯任事之公卿曰常任守法
之有司曰準人蓋二百一十國以爲州州有伯則州
牧爲伯明矣以顧命考之當時有芮伯彤伯則皆以
公卿兼牧是常伯亦在王左右也夫王之左右牧民

之長任事之公卿與守法之有司旣皆得人則是在
位在職無非端人正士矣然宮禁之內侍衛之臣又
不可非人故又在于慎選綴衣虎賁之人也綴衣幄
帳也如幕人掌舍司裘之類虎賁衛王之臣猛如虎
之奔走者虎賁氏旅賁氏之類是也此雖微官乃朝
夕于王之側者故不可不求其人也羣臣旣戒成王
使慎選此五者周公于是因羣臣之咸戒而嗟嘆其
言之善曰嗚呼休茲知恤鮮哉然此有二說先儒則
謂周公嘆而言美哉此五等之官立政之本也然知

憂此官宜得其賢者少也林少穎則謂此五等之官誠不可用非其人然當艱難擾攘之時時以是爲憂者未足爲難至于休美之時盈成之世而能知以是爲憂者天下鮮矣詳考二說林說雖有意味但于經文不順故不如先儒之說爲順經文今當以先儒之說爲然

古之人迪惟有夏乃有室大競籲俊尊上帝迪知忱恂于九德之行乃敢告教厥后曰拜手稽首后矣曰宅乃事宅乃牧宅乃準茲惟后矣謀面用丕訓德則乃宅人

茲乃三宅無義民桀德惟乃弗作往任是惟暴德罔後
周公既嘆此事之美而知恤者少于是遂述古事以
爲證謂古之人有道者惟有夏謂禹也乃有室大競
顓俊尊上帝迪知忱恂于九德之行乃敢告教厥后
者先儒謂夏禹之時乃有羣臣卿大夫皆是賢人王
室大強猶尚呼招賢俊之人與共立于朝尊事上天
禹之臣蹈知其誠信于九德之行者乃敢告教于君
張橫渠則謂禹時有宰之卿大夫皆相競干顓俊將
以尊上帝故既迪知忱恂于九德之行之人乃始敢

告教于君使用之林少穎謂古之所謂有道之主者
莫如有夏其王室所以大强者惟其能招集賢俊之
人以尊事上帝禹旣以顓俊爲心則其臣亦以薦揚
爲務必迪知其果能忱恂于九德之行者然後告于
厥后詳考三說少穎最平穩有味但以王室大強本
于顓俊則顓俊之後王室方強而下文不應又說迪
知忱恂于九德之行竊謂此乃大禹用賢不已之意
雖王室大強猶不忘于用賢方且招集衆俊以尊上
帝蓋賢俊之人乃天之所生以畀人君如詩言天監

有周昭格于下保茲天子生仲山甫則賢俊之生信
不偶然宜乎顓俊所以能尊上帝也惟禹以顓俊爲
心故當時之有人迪知于九德之賢者忱恂于九德
之賢者蓋謂九德之賢在彼而吾能以道而知之則
知此人者非苟知之也吾能以誠而信之則信此人
者非苟信之也其意則謂禹有心于顓俊故當時有
知賢信賢之人乃敢告教其君曰拜手稽首致敬于
君謂君已爲后矣今當使此九德之人居汝事謂使
之居治事之任卽上常任是也居汝牧謂使之居牧

民之任卽上常伯是也居汝準謂使之居守法之任
卽上謂準人也王誠能用此九德之人居此三等之
官則王之職業盡矣故曰宅乃事宅乃牧宅乃準茲
惟后矣然用此九德居三等之官雖足以盡君道又
當謀而用其大順于九德者斯足以宅其人謂使之
安其位也謀而猶言見賢焉而後用之也蓋臣旣以
其人告其君君當與對面而謀之知其果順于德而
後用之則用必得其人也此皆通知忱恂之人告教
其君之辭也茲乃三宅無義民以下則言桀不能用

人之意謂此于三宅之位皆無義之民謂小人在位桀之德于是不能興作謂不能使德日起而大有功也自是以往凡所任用者皆是暴德此所以滅亡而無後也故曰往任是惟暴德罔後

亦越成湯陟丕釐上帝之耿命乃用三有宅克卽宅曰三有俊克卽俊嚴惟丕式克用三宅三俊其在商邑用協于厥邑其在四方用丕式見德嗙呼其在受德暨惟羞刑暴德之人同于厥邦乃惟庶習逸德之人同于厥政帝欽罰之乃侔我有夏式商受命奄甸萬姓

此又言商之興亡亦本于用人也周公謂桀旣任暴德無後亦及于成湯之時自諸侯而升大治上天之明命謂有天下也蓋天命湯以天下而湯能保其明命而不失故謂之丕釐上帝之耿命湯旣有天下之後于是用三等已有所宅之人謂常伯常任準人三等已居位者而此三等之人皆能就其所居謂各就其職以共乃事也旣用此三等人居其職又恐三者之中或有所缺于是又遷擇于賢才之中求其有俊異之才可以待此三者之用者而稱說之謂稱說其